

العمرة لماذا؟! .. #عمرة_التربية_3 .. د . حازم شومان

حازم شومان

أزيكم يا رجاله عاملين ايه؟ الحمد لله وكفى وصلاة وسلاما على عباده الذين اصطفى اللهم لك الحمد كله ولك الملك كله وبرك الخير كله واليك يرجع الامر كله. اللهم صل على عبدك نبيك محمد صلى الله عليه وسلم - [00:00:01](#)

وعلى ازواج امهات المؤمنين وعلى ذريته وال بيته انك حميد مجيد. اما بعد اخواني واحبابي في الله فبالى ذي بدء طبعا بنشكر ادارة عمرة التربية ثلاثة يعني شكرا بالغاً وعميقاً ربنا ببارك فيهم رغم ان العمرة لسة ما لقتش فعليا الا ان هؤلاء الناس لا تنام يا اخواني في الله. يعني آآ اخونا استاز احمد بهجت - [00:00:31](#)

العمرة واخواننا بقى واركان العمرة ربنا ببارك فيهم ويحفظهم بحفظ الله سبحانه وتعالى. يعني دكتور محمد جلال يعني الفريق الاداري انا طبعا مش من الفريق الاداري للعمرة انا جندي من الجنود في العمرة. يعني داعية من الدعاة او مربى من المربين الموجودين في العمرة. ولكن اه اه لما الواحد بيقترب من - [00:00:51](#)

الفريق الاداري والاجتماعات المتواصلة بتاعته. والجهد الكبير جدا اللي يبذلوه عشان ادق تفاصيل ممكن يكون ما فيش حد مننا واخذ باله منها اصلا. او ممكن يسمعها في دقيقة ولكن هو مش واخذ باله ورائها مجهود شكله ايه يعني فعلا يا اخواني انا وانا جاي خلاص انا يعني انا ما كنتش قادر ان آآ - [00:01:11](#)

يعني اجي المسجد يعني ركنت بس كده في كرسي العربية كده ايه دقايق قبل ما ادخل آآ فقلت سبحان الله العظيم يعني رغم ان الواحد ما يبزلش مجهود زيهم الا ان فعلا - [00:01:31](#)

حزب الايجاد شهيد شديد من قبل العمرة. فما بالناس بهم بقى؟ ربنا ببارك فيهم زي ما النبي عليه الصلاة والسلام قال ذهب المفطرون ايه؟ بالاجر. المفطرون اللي كانوا فاطرين وخدمم الصحابة اللي كانوا صايمين. فالنبي عليه الصلاة والسلام في الاخر بقى في السفر بقى وفي هذا الجهاد قال ذهب المفطرون بالايه؟ بالاجر. اللي خدمونا - [00:01:41](#)

عشان يريحونا. اللي خلونا احنا نعرف نصلي ونعرف نقعد مع بعض القعدة دي. ونعرف بازن الله ان شاء الله يا رب. ونعرف نطوف حوالين الحرم واحنا مش واخدين بالناس ان في ناس مش عارف بتجاهد بتجاهد عشان تفضل محافظة على عبادتها معنا عشان تقدر تخدمنا. ممكن ما تنامش واحنا ننام ونريح - [00:02:01](#)

نتقابل في قيام الليل زي ما الجدول بيقول بازن الله آآ عشان تخدمنا فيجب ان احنا نحترم هؤلاء الناس ونقدر قيمتهم بازن الله سبحانه وتعالى. الحاجة الثانية آآ مسألة آآ المنة اللي ربنا من بها علينا. يجب ان نستشعر منة الله علينا يا اخواني في الله. يعني آآ عمرة التربية ثلاثة بازن الله سبحانه وتعالى - [00:02:21](#)

احنا متنسمين فيها جو اه اه ان شاء الله بازن الله تبقى فاتحة علينا كلنا في ديننا. كلنا ملهوفين لضربة البدء. كلنا ملهوفين لساعة الصفر. كلنا ملهوفين لاول عجلة كاوتش هتدور في الطريق الى الحرم المكي والحرم المدني باذن الله. وانتم عارفين ان من اول خطوة رجلين وانت خارج من باب بيتك رايح - [00:02:41](#)

للمسجد تصلي لله في المسجد بببدا ثواب الصلاة. يعني ثواب الصلاة مش بببدا ما تقول الله اكبر. يعني من اول ما هنخرج من بيتنا بازن الله ونقفل باب الشقة هننزل نركب تاكسي هنروح لمكان تجمع الاتوبيسات. وكل لفة اتوبيس هيبدأ ثواب الصلاة في الحرمين بازن الله سبحانه وتعالى. ليه؟ لان - [00:03:01](#)

هو النبي عليه الصلاة والسلام اللي قال لنا كده. ان ثواب الصلاة بببدا من اول وانت رايح لها. مش من اول ما بتبدأ تقول الله اكبر

وتوصل للمسجد. حذاشر يوم باذن الله سبحانه - 00:03:21

هنتصاحب فيهم على طاعة الله. ممكن واحد يرجع من الحذاشر يوم دول ولي من اولياء الله. وممكن واحد يرجع زي ما جه. ممكن زي ما راح ممكن واحدة ترجع انسانة جديدة مولودة من جديد. عاملة ريستارت لحياتها. عاملة ريستارت لعلاقتها بربنا. عاملة ريستارت لفطرتها - 00:03:31

وممكن يرجع انسان كويس والله وعمل عمرة بس هو عمل عمرة بس. انما هل حياته اتغيرت؟ احنا مش رايعين بمقصد الساعتين اللي هنطوف فيهم سبع اشواط ونصعى سبع تشواط وبعد كده نحلق شعرنا ونقول خلاص الحمد لله العمرة خلصت احنا رايعين عشان نتغير لازم يكون - 00:03:51

كل واحد منا ولكل واحدة منا هدف كبير عشان باذن الله سبحانه وتعالى الهدف ده من اول هذه اللحظة بل المفروض ان احنا بدأنا نستعد من قبل كده يا اخوان المفروض ان احنا نستعد من قبل كده. يعني بعض اخواننا يعني جا له آآ لطشة لوز كده في زوره وهو نايم في المسجد آآ اول امبارح عشان يبدأ - 00:04:11

يستعد للعبادة ويبدأ يستعد للجو بتاع العبادة ويبدأ بقى ايه يتناسب جو الاعتكاف فيه بيوت الله سبحانه وتعالى. يبقى آآ آآ عايزين نستشعر الهدف عايزين نستشعر منة الله علينا ان في الوقت اللي الناس في اجازة نص السنة طالعة فيه على راس البر ومارينا انت ربنا مطلعك على مكة والمدينة - 00:04:31

انت ربنا سبحانه وتعالى واخذك للحرمين الشريفين. انت ربنا واخذك لاطهر البقاع على وجه الارض. عايزين نستشعر ان الحد لحظة العمرة ما حدش حاجة يا اخواني في الله. ما حدش يضمن حاجة. لحد لحظة العمرة التأشيرة اللي في ايدك دي والتأشيرة اللي في ايدك. دي التأشيرة السعودية. مش - 00:04:51

التأشيرة الربانية. دي مش جواز السفر اللي جاي من فوق. مش جواز المرور اللي جاي من فوق سبع سماوات. ده ده السعودية قالت لك اتفضل تعال. انما ربنا قال لك - 00:05:11

تعالى ده السعودية قالت لك ابواب الحرم مفتوحة قدامك. انما ربنا قال لك ابواب الحرم مفتوحة قدامك. يعني ايه؟ يعني خلي قلبك معلق بالله. ملايين كل يوم بيطوفوا وبیسعوا وبيعتمروا وبيحرموا وبيحلوا ملايين يوميا بيعملوا ما ستفعل ولكن مين المقبول عند ربنا ما حدش - 00:05:21

بل ممكن واحد يروح ولا يكتب له ان يدخل الحرم اصلا زي ما باذن الله ان ربنا اذن هنقول يا اخواننا نمازج عملية على هذا. يعني يعني ده مش كلام وعظي - 00:05:41

ده كلام حقيقي. يجب ان نفتقر الى الله ان يفتح لنا ابواب الحرمين. يعني دي اسباب احنا بنسعى فيها اسباب ارضية. ولكن اي الافتقار الصادق والتعلق الصادق بالله. يجب ان نفتقر الى الله من الان ان يفتح الله لنا ابواب الحرمين. وان يعيننا الله على عبادته هناك - 00:05:51

ليل اناء النهار على الوجه الذي يرضيه عنا وان يتقبل الله منا. وان يغيرنا الله وان يصلحنا الله. انتم عارفين انتم لو النية دي بقت موجود عندكم الوقتي من الوقتي انت بتجتهد في العبادة. انا آآ يعني الوقتي اللي مش هيبدأ يربط المنبه على ساعة ونص قبل الفجر. ويقوم الليل ملعش يا اخواني - 00:06:11

ما تتوقعش انك هتروح هناك الليالي العشر هتفوز بقيام الليل بتاعها. اللي ما بيقومش الليل من هنا ما يتخيلش انه هيروح هناك بقى الحرم ليس عصا سحرية اللي وصل لكم آآ اللي وصل له منكم مقاطع الواتس بتاع العمرة احنا عملنا واتس مخصوص للعمرة. ها يتبعث له مقاطع يعني ولكن يعني للاسف - 00:06:31

ان المعزم آآ نتيجة بس يعني ايه ممكن عدم آآ القدرة على الوصول للواتس بتاع كل الناس. يعني فيه يعني ايه؟ فالواتس وصل لناس وما وصلش لناس تانيين من ضمن المعاني اللي بعثناها لكم اتكلمنا فيها بوضوح. الحرم ليس عصا سحرية. ما تتخيلش انك اول ما تروحي تبصي للكعبة الدموع هتنزل. والقلب هينهار - 00:06:51

والدنيا هتتغسل والدنيا تصفى. وهتقعدي تعبدي ليل نهار. يا اخوانا آآ يعني بلاش التصورات اللي بتخلي بعض الناس لما تروح هيحصل لها صدمة. اه الحرم هيزلزل قلبك. واه هتحسي ان قلبك اتغسل. واه في شحن عالي. وكل حاجة. ولكن لو انت مش رامية اساس من هنا. لو انت مش - [00:07:11](#)

معدية من هنا لو انت ما انتاش عندك اساس تعلي عليه هناك ولكن رميت الاساس من هنا انت ممكن تروح هناك ولا تتغير بهذه العمرة. احنا رايعين نتغير يا جماعة - [00:07:31](#)

رايعين نتغير كما قال تعالى جعل الله الكعبة البيت الحرام قياما للناس ها في النهاية وهدى ايه؟ وهدى ايه للعالمين وعندك قول الله قياما للناس. يعني ايه قياما للناس؟ يعني القيام ده له معاني كتير جدا. ان انت حياتك تقوم فلن - [00:07:41](#)
فقوم الا بالحرمين. لن تقوم الا بالكعبة. لن تقوم الا بالعبادة. ده الكعبة دي سر قيامك في حياتك اصلا. والقيام انت احيانا القيام في لغة يقول لك ايه يقول لك قام الماء اي وقف. يعني وقفة. فرصة انك تقف مع نفسك. فرصة انك تروح انك تقفي مع نفسك. فرصة انك انت تعيد حسابات - [00:08:01](#)

في حياتك تاني. فرصة هو انت لما بتروح هناك بتحلل بتحلل ليه لما بتخلص العمرة؟ بتحلل زي يوم ما اتولدت وحلقوا لك. زي يوم ما كل جرين بيتولدوا انا اقوله كانك اتولدت من جديد كانك رجعت انسانة من جديد كانك عملت ريستارت لحياتك احنا رايعين يا جماعة نجلي الفطرة بتاعتنا احنا رايعين نعمر - [00:08:21](#)

الله بالعبادة اسمها العمرة. رايعين نعمر بيت الله بالعبادة. فربنا يعمر قلوبنا بالايمان. ويعمر وجوهنا بالنور. ويعمر بصيرتنا بالفهم. ويعمر جوارحنا بالعزيمة ويعمر حياتنا بالكرامات والعطاءات والنفحات. من الله سبحانه وتعالى. احنا رايعين نعمر بيت ربنا بالعبادة - [00:08:41](#)

ربنا يعمر لنا حياتنا بكل خير. العمرة احنا عايزين نعرف احنا رايعين ليه؟ رايعين بمقصد ايه؟ رايعين نفوز بايه؟ آآ يعني بازن الله سبحانه وتعالى اسمها عمرة التربية. يعني ايه عمرة التربية؟ يعني احنا رايعين نتربى. يعني كل اللي في العمرة دي كلنا رايعين هناك طلبة. طلبة - [00:09:01](#)

في مكة والمدينة. طلبة نتربى بالعبادة. نتربى بجو الصحبة. احنا عاملين بازن الله سبحانه وتعالى بازن الله وحده بازن الله سياسات في العمرة من ضمن سياسات العمرة يعني سياسة ان كلنا هنحط ايدينا في ايدين بعض وهيبقى في مكان سابت في الحرم المكي ومكان سابت في الحرم المدني - [00:09:21](#)

ان احنا نعبد الله ليل نهار ونتشجع بهذه الصحبة. يعني العمرة دي مش معناها ان اربعة وعشرين ساعة قاعدين مع بعض بنتكلم مع بعض. مش دي التربية يا جماعة ان احنا نصحى ببعض في العبادة. عشان كلنا نتشحن بازن الله. سبحانه وتعالى. فاحنا رايعين نتربى. رايعين نتغير. رايعين يعني زي بالزبط كده - [00:09:41](#)

الصحابة يوم فتح مكة هند بنت عقبة انتم عارفين اللي اللي كلت كبد سيدنا حمزة. مرات ابي سفيان ابن حرب. مرات سيدنا ابو سفيان هند بنت عتبة اول مرة لما الحرم المكي اتفتح وكان يوم عشرين رمضان. ليلة وتربية بقى ليلة في العشر الاواخر والصحابة يعني بكل الشوق قعدوا يعبدوا ربنا طول الليل - [00:10:01](#)

في الحرم هند بنت عقبة قالت ما رأيت الله عبد حق عبادته مثل ذلك اليوم. احنا رايعين بالنية دي ان اللي يشوفنا واحنا اعبد ربنا يقولون ما رأينا الله عبد حق عبادته مثل ذلك اليوم. هم حذاشر يوم يا جماعة. فيه اعمال صالحة ثوابها - [00:10:21](#)
ويتضاعف عشر اضعاف عشرة. واعمال بالمية ضعف واعمال بسبعميت ضعف. احنا رايعين اعمال تضاعف بالميت الف ضعف ليلة القدر المضاعفة فيها ستين الف ضعف. يعني ليلة القدر ما جابتش الحرم المكي. يعني احنا رايعين ليلة قدر مفتوح اربعة وعشرين ساعة - [00:10:41](#)

دقيقة بميت الف دقيقة. السانية بميت الف سانية. صفحة القرآن بميت الف صفحة قرآن. يعني شف حكام خاتمة. حرف القرآن بمليون حسنة مش بعشرة. عشرة في ميت الف. بالزات بقى لو قرأته وانت بتصلي والصلاة هناك هي يعني العلماء هناك على - [00:11:01](#)

قول ان الصلاة اللي بميت الف بس وقول ان كل حاجة في الحرم المكي بمية الف. كل حاجة فلو انت كمان مشيت على اصعب الاقوال. لو حرف القرآن في الصلاة بمليون حسنة. مليون حسنة. جلسة الضحى بميت الف جلسة ضحى. الساعة بميت الف ساعة.

00:11:21 يعني الساعة ضرب الساعة -

ميت الف ساعة يعني الساعة باربع سنين عبادة. يعني الساعة باتناشر يعني الساعة بكم؟ بقدر ايه؟ الساعة بمية الف ساعة اضربه كده معي اخواني حوالي اربع سنين عبادة الساعة الواحدة متواصل الفرض الواحد من يوم ما الواحد بيبقى عنده خمستاشر سنة لحد

00:11:41 ستين سنة -

خمسة واربعين سنة ما يجيبوش ميت الف فرض في صلاة واحدة. يعني فجر واحد في الحرم بعمر كده من اوله لاخره. مش لو صليت هنا هو من يوم ما بلغت لحد ما بقى عندك ستين سنة ولا فرض راح عليك في الجامع مش هتجيب فرض واحد بس -

00:12:01

في الحرم المكي. فرض واحد فما بالك بيوم بقى هتجيب ايه؟ يعني احنا رايعين هناك في فضل من الله عظيم. في فضل من الله. هائل نروح نستشعر يعني ايه الله الكريم. يعني ايه كرم الله سبحانه وتعالى؟ فاحنا رايعين باحساس بكرم الله. لو احنا رايعين مش

00:12:21 للحرم المكي. لو احنا -

القصر الملكي اللي جنبه وملك السعودية مستنينا هناك. عشان نطلب منه ما نريد هنبقى رايعين وقلوبنا مخطوفة. ليه؟ ده ملك السعودية يا عم. يا عم بيقول لك ادى للناس هناك كل واحد شهرين آآ مش عارف ايه كده فلوس وكل نبي عشرة مليون ريال عشرة

00:12:41 مليون يعني طب انت رايع بقى لملك الملك -

سبحانه وتعالى. انت رايع للملك الذي يملك خزائن السماوات والارض. يبقى ايه احساس قلبك وانت ذاهب الى الله؟ سبحانه وتعالى. احنا رايعين من اجل تحصيل الثواب الهائل. احنا رايعين من اجل التغيير وهدى للعالمين. يعني ايه هدى للعالمين؟ يعني بالزبط كده

00:13:01 الدم -

يعني خلاص بقى بيتاخذ منه الاكسجين. والخلايا الالف مليار خلية اللي في الجسم. بيكبوا في الدم الفضلات بتاعتهم. فالدم بيروح للقلب وهو مسود خلاص باظ بقى. الف مليار خلية كاتبين صندوق الزبالة بتاعهم فيه. في الدم ده فالدم رايع للقلب مسود. راجع له

00:13:21 بايز -

يوم القلب بقى ايه واخده رايع الرئة. الرئة بقى تقوم بقى ايه منضفة ومطهرا. واخر نضافة واخر جمال يقوم راجع القلب تاني. يقوم قلب ضخه للجسم هو دم احمر ونضيف وجميل. ودم احمر واياه هو بالزبط كده هنا للعالمين يعني انت رايع الكعبة عاملة زي القلب.

00:13:41 وانت رايع لها -

وانت دمي اسود خلاص فضلات الحياة ملت قلوبنا ونفوسنا. فتقوم متنضف بقى في القلب ده وتقوم مطخوخ للجسم تاني وانت نضيف وجميل وحيوي ومليان غزا ومليان اكسجين اه بالزبط كده. انت بتروح للكعبة وانت مجهد وانت تعبان وانت الدنيا خلاص

00:14:01 انهكت نفسك -

ساكت قلبك بتروح هناك بتتغسل. بيحصل لك فورميت بتتفرمت هناك. بتروح هناك نفسك بتتغسل وقلبك بتتغسل. وفطرتك بتتجز وبعد كده تتضح للحياة تاني. تيجي هنا بقى تبقي تلاقي نفسك بقيت منور للناس. تيجي هنا تلاقي نفسك بقيت شغالة في الدعوة الى

00:14:21 الله وسط الناس. تيجي هنا تلاقي نفسك ازاى -

تاني ليه؟ انسان تاني؟ لانك رحت انك اتغسلت. عشان كده اخواني في الله اللي عايز يفوز بالعمرة يجب ان يستعد خير الاستعداد الحرم ليس عصا سحرية. لازم تروح هناك وانت سخن. لازم تروحي هناك وانت مشحونة. لازم من هنا تسمع اهم دروس - 00:14:41

عن العمرة على قد ما تقدر. على قد ما تقدر تدخل على انت وتقول مسلا ايه على جوجل مسلا اهم دروس العمرة. تدخل على الشيخ جوجل وتايه وتبدأ تدور اهم دروس العمرة مسلا - 00:15:01

وتبدأ تسمع الدروس بتاعة العمرة. تبدأ قلبك يسخن تبدأ تروح بالشوق. تبدأ تتلاعب تبدأ من الوقت الظبط تظبط المنبه بتاعك بدري.

يا اخوانا ما تتخيلوا قالش انك ما بتقومش الليل هنا وهتروح هناك هتكسر الدنيا. يا جماعة بس خليكم ايه يعني مش هاقول خليكم واقعيين. لان يقينا فيه هناك شحن جديد ويقينا هتلاقي نفسك هناك - [00:15:11](#)

ولكن احنا يا جماعة عايزين نخرج بحاجة. يعني احنا يعني يعني احنا يعني عايزين نفكر من الوقت واحنا قاعدين مع بعض. احنا عايزين نخرج باين من العمرة دي عايز عمرة وخلص خلاص يا عم الله يعينك. عايز تتغير يبقى لازم تفكر من الوقت. لازم تجتهد من الوقت. ان شاء الله بازن الله هنصوم مع بعض هناك مرة في مكة - [00:15:31](#)

مرة في المدينة ومن شاء ان يزيد فليزيد. بازن الله سبحانه وتعالى. انت من الوقت ابدأ صم. من الوقت ابدأ قم. من الوقت ابدأ اجتهد في طاعة الله سبحانه وتعالى ولو ارادوا الخروج لاعدوا له ايه؟ لاعدوا له عدة. واعظم ثواب للاستعداد للعمرة. ان لو انت مت قبل ما - [00:15:51](#)

العمرة هتموت على نية الاستعداد لها. يبقى لن تحرم من الثواب بتاعها. لن تحرم من الفضل بتاعها. لانك انت مت على نية الاستعداد فمت على نية الصدق في الاجتهاد فيها والتغيير فيها بازن الله سبحانه وتعالى. آآآ يعني ان شاء الله بازن الله آآ - [00:16:11](#) آآ يعني استاذ احمد بهجت شرح البرنامج وشرح الفكرة بتاعة العمرة والسياسة بتاعة العمرة بازن الله سبحانه وتعالى. يعني اه يعني انا عايز بس يا اخوان يبقى عندنا تصور احنا يعني هنعمل ايه بازن الله سبحانه وتعالى. احنا عاملين برنامج ان شاء الله بازن الله اداري تربوي. يعني برنامج مشترك - [00:16:31](#)

وراء البرنامج ده في فريقين. فريق اداري وفريق تربوي. يعني فريق بيديره اه وبيرتبوا لنا وقتنا بازن الله سبحانه وتعالى واوضاعنا بازن الله. بترتيب الله تدبير الله وحده وفريق ثاني تربوي. يعني ايه؟ يعني وزيفته التذكير المساعدة لاي حد بازن الله سبحانه وتعالى. آآ محددين هنوصل - [00:16:51](#)

الاول بازن الله طبعاً طريق الوصول هيبقى حوالي يعني من اربعة وعشرين لتلاتين ساعة. يعني رحلة الذهاب الى المدينة المنورة هتبقى حوالي اربعة وعشرين ساعة اربعة وعشرين ساعة عن ايه؟ يعني هنستشعر حديس النبي عليه الصلاة والسلام ايه؟ ها احنا طالعين بدري شوية لان يوم الجمعة يعني ايه يعني انت لا تضمن مفاجآت الطريق. لا تضمن - [00:17:11](#) ده الطريق وده فوق يعني احنا لسه يعني احنا لسه انا فايت علي عمرة ودافع الفين جنيه انا واخواني اللي كانوا معي واحنا رايعين كل واحد دفع الفين جنيه الفين جنيه - [00:17:31](#)

تكبد الفين جنيه عشان التزكرة جديدة ليه؟ عشان ربع ساعة نقص او نص ساعة متأخر. فطبعاً يعني احنا عايزين نستشعر حديس النبي عليه الصلاة والسلام اجررك صحيح البخاري. اجررك على قدر نفقتك او ايه؟ او مشقتك. اجررك على قدر نفقتك او مشقتك. على قدر نفقتك - [00:17:41](#)

وعلى قدر ما تدفع على قدر ما هتاخذ ثواب باذن الله دي رحلة عمر بقى. رحلة عمر. يعني في ناس ممكن تبقى دي اول عمرة لها في حياتها. وفي ناس ممكن تبقى دي العمرة الوحيدة اللي هتعتبرها - [00:18:01](#)

في حياتك. فاحنا رايعين مستقتلين. قاصد كريم. عارف بيقول لك قاصد كريم؟ قاصدين كريم سبحانه وتعالى. ان شاء الله بازن الله هنوصل على المدينة الاول. في برنامج في المدينة في - [00:18:11](#)

في برنامج اعتكاف في المدينة يوم من الايام في آآ برنامج الذهاب لشهداء احد باذن الله سبحانه وتعالى والمزارات يوم من الايام في دروس سابعة كل يوم العصر بازن الله - [00:18:21](#)

وتعالى اه اه برنامج عبادة مصاحب ان شاء الله بازن الله في مكان محدد للرجال في الحرم وللنساء في الحرم بازن الله النساء بقى يبقى معهم اه اه ام وفارس بازن الله سبحانه وتعالى وآآ ام سيف بازن الله دول يعني هيقوا ان شاء الله آآ يعني غالباً احنا لسة طبعاً يعني ايه انا مش عارف بالزبط كل النساء اللي طالعين - [00:18:31](#)

ولكن ان شاء الله بازن الله هيبقى ام فارس معنا بتدير الفوج النسائي بازن الله. هيبقى فيه مكان في الحرم بيتقابلوا فيه. بيصلوا مع بعض فيه. بيعبدوا ربنا مع بعض فيه - [00:18:51](#)

انت الغنيمة الصغرى في العمرة ان انت تخرج باعمال صالحة عملتها. الغنيمة العظمى في العمرة انك تخرج ببينة ايمان لزمتهها وبصحبة اتعرفت عليها. لانك انت ممكن تعبد ربنا في عمرة وما ترجعش ثاني. انما ممكن تتعرف على صحبة تخليك ترجع -

00:19:01

الحرم ده ميت مرة قبل ان تموت. الصحبة يا اخواننا يعني اللي فاكر انه هيروح ويرجع بشحن بس بقول له الكلام ده مش مزبوط. ليه؟ لان الشحن هيروح هيرجع والدنيا تيجي ثاني. انت لازم ترجع بحاجة عملية ماسكها في ايديك. ترجع باوراد جديدة في حياتك. ترجعي بصحبة صالحة اتعرفت عليها. عايزين - 00:19:21

يبقى فكرنا عالي في العمرة دي زي ما بقول لكم دي عمر التغيير باذن الله سبحانه وتعالى. عمر التغيير. آآ هنلتقي الرجال الصف الاول في المسجد النبوي من قبل الفجر - 00:19:41

ثلاث ساعات من اول ليلة الوصول من اول ليلة الوصول باذن الله سبحانه وتعالى. هنلتقط معه الفندق وننطلق ده اول ليلة بس. بعد كده كله عارف طريقه للصف الاول في المسجد النبوي - 00:19:51

بازن الله نصلي مع بعض ونشجع بعض ونتكاتف مع بعض ونترى تربية حقيقية بالعبادة. آآ موجود طبعا فريق تربوي اللي هيربيك هناك اساسا هو جهديك في العبادة. ما تتركش على حد وما تستناش حد. وخلي شعارك وشعارك من الوقتي وعجلت اليك ربي -

00:20:01

وعجلت اليك رب لترضى. احنا رايعين هناك لربنا. يعني اللي عايز اي حاجة هناك الله اكبر ويعيط لربنا سبحانه وتعالى ان شاء الله في مكة وبرنامج في المدينة الوقت محسوب تماما ان شاء الله باذن الله المفروض ان البرنامج تسعين في المية منه اعمال تعبدية مشتركة - 00:20:21

عبادات مشتركة لمن شاء ان يجتهد. هتلاقونا باذن الله معكم دائما باذن الله سبحانه وتعالى في الفندق في الحرم. ولكن على جو من الجدية. على جو من اول ما هندخل الحرم ما عدش فيه لا مربى ولا داعية ولا حد شيخ حد كلنا عبيد وداخلين. آآ طبعا انتم عارفين يا جماعة ان اول ناس دافعة فلوس العمرة دول هم مين - 00:20:41

انا اول واحد دفع يعني ايه انا انا بتكلم ده على صيغة عامة دلوقتي اول ناس دافعة فلوس العمرة دي هو الفريق الاداري والتربوي اول ناس دافعة فلوس. باذن الله طبعا مش مش على سبيل التعميم يعني. ها يعني انما يعني ايه التغليب يعني احنا اول ناس طلعا الفلوس بتاعتنا ودفعنا - 00:21:01

يعني ما فيش في العمرة دي حاجة اسمها واحد طالع ببلاش على حساب الفوج. انا طالع على حسابكم مسلا لا لا لا حازم اول واحد دافع فلوس في هذه العمرة. ليه؟ لان انا طاعة ربنا كمان. انا ملهوف على هذه العمرة. انا مش مشتاق ان انا قلبي يتغسل في -

00:21:21

انا مرعوب. اه يعني الكلام اللي بقوله لكم والله العزيز يا اخواني انا باقوله لنفسى. انا مرعوب لو رحت انا كرب افتح لي يا رب. يا رب اجعلني يا رب. يا رب انا عايز اتغير. يا رب انا عايز اتوب. يا رب انا عايز اهتدى. اهتدي يا رب انا عايز قلبي يتغسل. كلنا فكر واحد ودي اكبر قيمة في هذه العمرة - 00:21:41

انك انت هتلاقي صحبة هتلاقي سند. طول ما انت عايز توصل لربنا هتلاقيه سند باذن الله. هتلاقي ناس معك. هتلاقي ناس عايزة تعبد ربنا. هنلزم بعض صاحب بعض باذن الله ونحط ايدنا في ايد بعض بعد حداثر يوم هنتقابل باذن الله. واحنا كل واحد مننا في بني ادم جديد. واحنا في الاتوبيسات من - 00:22:01

مكة لجدة ومن مكة لينبع. لما هنيجي نفتح كلنا في الاتوبيسات قضية ماذا بعد العمرة؟ ماذا بعد العمرة؟ يعني ان الوقتي باذن الله احنا عاملين جدول وعاملين منهج للاتوبيس اللي من مطار القاهرة للمنصورة. باذن الله سبحانه وتعالى. يعني فضل ومنة الله لا

تتخلوا احنا مراعيينكم قد ايه - 00:22:21

لا تتخلوا يعني يعني الناس اللي في هذه العمرة يعني نفسها ان كلنا نتغير مع بعض قد ايه. ومرتبين لحاجات جميلة جدا بعد الرجوع

كمان من العمره بازن الله سبحانه وتعالى فاحنا عايزين احساس الجدية لان اللي مش جد ما حدش هيقدر يعمل له حاجة. يعني حقنة فيتامين في جسم خامل ممكن - [00:22:41](#)

انما حقنة فيتامين في جسم ميت. هتعمل فيه حاجة؟ فلو انت جسم ميت لو جنبنا مربين الدنيا وعمرات هتعمل لك ايه؟ ما حدش هيقدر يعمل لك حاجة انما لو انت رايع بنية التربية بحق وحي بنية التغيير وحقيقي ثق ان بازن الله سبحانه وتعالى ربنا يكرمنا كلنا ويفتح لنا كلنا وهتبقى - [00:23:01](#)

حوالينا في حياتنا بازن الله سبحانه وتعالى. نذهب بنية الاجتهاد. نذهب بنية التربية. نذهب بنية عبادة الله ليلا ونهارا. نذهب بنية اويس القرني لما قال رضي الله عنه لاعبدن الله في الارض كما تعبد ملائكة السماء. المكان الوحيد على وجه الارض اللي بيزكرك بالسماء هي - [00:23:21](#)

ما في موضع اربع اصابع الا وعبد بيعبد الله سبحانه وتعالى. انما الشوارع اللي في الدنيا دي ما من موضع اربع اصابع الا وعبد يعصي الله. سبحانه وتعالى يبقى المكان الوحيد اللي هيذكرك بالسماء. اللي هيذكرك بملائكة السما هنروح هناك بازن الله سبحانه وتعالى. نعبد الله في الارض كما تعبد ملائكة السماء. لو حد عنده اي - [00:23:41](#)

سؤال لو حد عنده اي استفسار يقول الحمد لله وكفى وصلاة وسلاما على عباده الذين اصطفى. اما بعد فيعني آآ انا سعيد والله يا جماعة سعيد جدا يعني لا تتخيلوا مقدار الفرحة اللي في قلبي وانا حاسس ان السفينة خلاص نزلت الماية. فضل ومنة الله. يعني واحنا واحنا قاعدين - [00:24:01](#)

جنب بعض كده الرجال قاعدين جنب بعض. الصف الاولاني ما بين الاذان والاقامة بندعي ربنا. وبنسبح وبنذكر ربنا. بدأت احس ان خلاص فضل منة الله. السفينة بدأت تنزل فعلا اه اه اخواتنا اللي قاعدين دلوقتي ورا اه اه الستارة في مكان النساء يعني زوجة اه اخونا احمد بهجت وزوجة اه - [00:24:21](#)

الشيخ محمد عبدالمجيد وزوجة دكتور احمد سعد وزوج الدكتور محمد عبدالرحمن وزوج الدكتور محمد جلال يعني اه ومش زوجة زاوية جاية ان شاء الله بازن الله العمرة اللي بعدها بقى يا شيخ احمد. زوجة ابو اسلام ما شاء الله زوجة آآ ابو اسلام ربنا يحفظهم جميعا يا رب. يعني - [00:24:41](#)

المنزر جميل انا حاسس ان فيه حاجة جميلة قوي بتنشأ يا جماعة. ما بين نساءنا وبعض. اخواتنا ربنا يبارك فيهم ويحفزهم. اللي انا مستبشر بهم استبشار مهم جدا حاسس ان دول هيقم نور في المنصورة بكرة. حاسس انهم هيقوا حاملات رسالة. نموزج الصحابيات اللي نفسنا نشوفه ثاني بازن - [00:25:01](#)

حاسس ان دول اللي هيقوه. بازن الله سبحانه وتعالى. دول اللي هيشيلوا رسالة الدعوة في المنصورة بكرة. دول اللي هيضخوا عشان كلمة الله تكون هي العليا بكرة دول اللي هيتفانوا في تربية ولادنا عشان يطلعوا يعني من وزراء المهدي بازن الله سبحانه وتعالى بكرة دول ان شاء الله هيقوا بطلات - [00:25:21](#)

ويفوقوا الرجال بازن الله سبحانه وتعالى. منزر اولادنا وهم بيحجروا مع بعض ويبلعوا مع بعض. الواحد فرحان حسان فيه مستقبل بيتصنع لاولادنا ببيت ايمان. لو املك والله اخواني كنا عملنا للاطفال في العمرة دي فريق مخصوص ولبس مخصوص وبرنامج مخصوص. وكنا فصلناهم عننا. كنا في وعملنا لهم برنامج كده ايه - [00:25:41](#)

عمرة لهم هم بقى يفهموها واحدة واحدة. وناس تعمل لهم كل حاجة. ولكن بازن الله بس يعني ممكن على عمرة التربية اربعة كده ان شاء الله. اما يكون ايه يبقى معنا رجالة شايلين - [00:26:01](#)

الاطفال بازن الله سبحانه وتعالى. آآ يعني انا حاسس ان فيه نور جميل بينشأ. فيه نور جميل والله يا اخواني فيه نور جميل ان شاء الله في المنصورة آآ بينشأ ناس - [00:26:11](#)

آآ هتبدأ تعرف معنى العبادة اكثر ناس هتبدأ ترتبط بالصيام والقيام اكثر بازن الله سبحانه وتعالى. ناس هتبدأ ترتبط بالاخوة والحب في الله اكثر بازن الله سبحانه وتعالى روح التربية ترجع من ثاني. روح التربية من عشر سنين كان شيع طبعي انك تلاقي كل اخوة

المنصورة وكل اخواتها انا نفسي - 00:26:21

تتربى انا عايز اوصل لربنا اوصل لربنا ازاي؟ اترى ازاي؟ كانت كلمة التربية ديت كلمة مالية علينا حياتنا وعمرنا. الوقتي للأسف الشديد الكل شغل في الدنيا. شغل عن الله. فاحنا عايزين نرجع تاني المشهد الباهر بتاع صورة عبس. واما من ايه؟ جاءك يسعى وهو يخشى - 00:26:41

جاءك اللي جاي ويبدور على دينه وعايز يسعى. وعايز يوصل لربنا وعايز يقرب من ربنا. المشهد ده ان شاء الله هيبداً يطلع تاني. في الرجال وفي النساء وفي اطفال ان شاء الله يطلع اطفال زي اطفال الصحابة تاني. رجالة ابطال بيبكم لو الجهاد في سبيل الله جه وهم لسة اطفال وما خرجوش فيه - 00:27:01

يعني اه عشان كده اخواني في الله عايزين بازن الله سبحانه وتعالى قبل بقى ما نسلم اه اه الراية في هذه الليلة اه ادارة هذه العمرة. اخونا استاز بهجت بقى عشان يكلمكم في التفاصيل الادارية الدقيقة ان شاء الله والاستفسارات الادارية الدقيقة بتاعتكم آآ عايزين بس نعرف انتم عارفين احنا رايعين فين احنا رايعين - 00:27:21

رحلة الى الله. رحلة الى الله. عارفين رحلة الاخرة يا جماعة؟ سفر العمرة ده نسخة منها بالزبط. اول ما بتدخل المطار بتتسأل ثلاث اسئلة فين جوازك؟ فين تأشيرتك؟ فين تصريح سفرك؟ اول ما هتدخل الدار الاخرة هتتسأل الثلاث اسئلة دول. فين جوازك -

00:27:41

جواز المرور اصلا. انتم عارفين ان مش اي حد بيعدي من على الصراط اصلا ولا لا. لا يعبر على صراط الاخرة الا من كان على صراط الدنيا. يعني بيقعوا من على الصراط دول دول مش الكفار. دول مش اليهود والنصارى. ده دول المسلمين العصاة. انما الكفار ما دخلوش الصراط اصلا. من بعد العرض على الله - 00:28:01

قولوا على جهنم والعياذ بالله. يبقى اذا جواز مرورك فين؟ عشان اسبيك تدخل المطار اصلا. وانت لسه داخل من على الباب كده تلاقي الامن واقف يقول لك جواز لو سمحت ايوه طب اتفضل. خلاص جوازك اتفضل جوازك اتفضلي. يبقى جواز انك تدخل اصلا وانت ممكن بكرة جوة ترجع تاني ولكن انك تدخل جوازك في - 00:28:21

جوازك ده ثلاث اسئلة بتتسألهم في القبر ما من ربك؟ ما دينك؟ من نبيك؟ الثلاث اسئلة دول جواز السفر بتاعك. يا اما تجتاز بعدهم وتبقى عديت للمرحلة اللي بعدها يا اما انت مش تبع الطريق ده يبقى فين جوازك؟ تاني حاجة فين تأشيرتك؟ عارفين يا جماعة ان ما حدش بيدخل الجنة الا بتأشيرة ولا لا؟ انتم عارفين - 00:28:41

ايه الكلام ده؟ عارفين ما حدش يدخل الجنة ولا التأشيرة تأشيرة اسمها ايه؟ اسمها ايه؟ البطاقة بطاقة دخول الجنة بطاقة ان في العرض على الله بعد العرض على الله ان كنت من اهل الجنة بازن الله بتاخذ بطاقة. لان الجنة دي يا جماعة مش آآ مش حاجة كده يعني انت ينفع تدخل نادي من غير الكارنيه بتاعه! انت ينفع - 00:29:01

تدخل ده ينفع تدخل عربيتك في اي نادي من غير تصريح دخول عربية في بطاقة دخول الجنة. يعني يعني في حديث لابن عمر يقول اه رأيتوني في الجنة فاينما اشرت تاربي. يعني في حاجة كده زي بساط الريح كده تطير به في اي مكان. بطاقة انه يدخل

الجنة - 00:29:21

اصلا يبقى آآ تاني حاجة فين؟ تأشيرتك. تالت حاجة تأشيرتك دي هتسأل عنها يوم القيامة. تأشيرة دخول الجنة هل فيه يدخل الجنة الا بتأشيرة؟ والتأشيرة ديت انواع زي ما تأشيرة الدنيا انواع تأشيرة الجنة انواع. زي ما هنقول الوقتي. تالت سؤال فين ايه؟ تصريح سفرك يعني ايه تصريح سفرك؟ يعني انت انت هارب من - 00:29:41

تجديد ولا انت آآ واخذ معاملة مع الجيش؟ ها لو هارب من التجنيد ممنوع تسافر اصلا ما انتاش معدي من عندنا اصلا. اوعى تكون هارب من التجنيد. تصريح السفر بتاعك يوم القيامة اوعى تكون هارب من الجندية لدين الله. وما بتشتغلش لدين ربنا. ولما النبي يشتم ما تعملش حاجة. ولما الاسلام يتعرض - 00:30:01

النوازل ما تعملش حاجة. ولما الشباب يفسد ما تشتغلش في الدعوة. ولما يحصل اي ازمة من ازمات الدين ما تقفش مع الدين. وما

تقفش مع اهل دين ومع المجاهدين في سبيل نصر دين الله في فلسطين او في اي مكان في الارض. وترجع انت انت هارب من

الجندية اصلا. انت هارب من التجنيد اصلا. يبقى التلات - [00:30:21](#)

التلات اسئلة دول بتتسألهم في الاخرة نفس التلات حاجات اللي لازم يكونوا مع كل واحد مننا. جواز جوازه تأشيرته تصريح السفر. اما بتاخذ الشنط بتاعتك وبتدخل المطار بيقول لك لو سمحت حط شنط في الجهاز ده وعدي انت من الجهاز ده. حط الشنط اه اكبر

مصيبة ساعتها ايه - [00:30:41](#)

ان يتمسك في الشنطة بتاعتك ايه ؟ ممنوعات. ان يتمسك في شنطتك. وعلى حسب خطورة الممنوعات. في ممنوعات هيقول لك لو سمحت يا استاز شيلها من بطة ما ينفعش تعدي بها. وفي ممنوعات هيتقبض عليك ويتعمل لك قضية. وفي ممنوعات على حسب

نوع الممنوعات. يبقى اكبر حاجة توقف قلب اي حد انه - [00:31:01](#)

بممنوعات وهو الشنطة بتاعته بتعدي على اوعى بقى صحيفتك اللي هي الشنط بتاعتك بتاعة يوم القيامة اللي هي البضاعة بتاعتك اللي هي تملكه اوعى يكون فيها ممنوعات. اوعى يكون في صحيفتك ذنوب تتمسك عليك يوم القيامة اتظبطت ممنوعات. اوعى

يكون في صحيفتك - [00:31:21](#)

اهي دي بقى الممنوعات اللي بتودي في داهية بقى. اهي دي الممنوعات اللي بتودي في مصيبة بقى. دي عاملة زي ما اتظبط معك

مخدرات في الدنيا. او اتزبط معك مسلا ايه حاجة خطيرة في الدنيا - [00:31:41](#)

يبقى اوعى يكون معك ممنوعات. طهر صحيفتك. لان صحيفتك هتتعدي برضو من جهاز زي يوم اللي زيك. في يوم القيامة زي ما في الدنيا بتعدي ويتمسك عليك الممنوعات هتتمسك عليك الممنوعات بتاعتك. اوعى يكون معك ممنوعات قلبك يقف انك تقف وتعتل.

وتعال يا استاز على جنب في - [00:31:51](#)

يوم القيامة الملايكة بقى تعالى انت بقى على جنب بقى عشان انت الصحيفة بتاعتك فيها مشاكل. مش هينفع تدخل الجنة الا لما مشاكل تتحل. وانت راجع بقى بيحصل موقف عجيب اوي وانت واقف بقى على السير بتاع الشنط وكل واحد مستني ايه ها الشنط

بتاعته الشيخ محمد عبدالمجيد راجل الاخوة عنده عالية فجاييين - [00:32:11](#)

لنا هدايا كتير جدا وجايب شنط مليانة هدايا فمستني شنط الهدايا. باشمهندس علي مسلا بيحبني فجاييب لي مسلا ايه شوية مكسرات وشوية حلويات وشوية حاجات بالمنزر ده وهكزا بقى كل واحد وزوقه. يعني كل ما عمر التربية بقى لازم نتربى يا جماعة.

من ضمن التربية التربية بالاكرام والتربية بالانفاق. والتربية بالخدمة والتربية بالتسامح - [00:32:31](#)

والتربية ان احنا نشيل الشنط لبعض والتربية ان لو حد من ابائنا وامهاتنا عايز يتزق على كرسي كلنا نزق ونساعد ونخدم التربية ان احنا خدامين لبعض. التربية ان كل واحد فينا طالع خدام لاخوه. انت مش طالع تقعد بمزاجك هناك. انت مش طالع تايه تشم -

[00:32:51](#)

قهوة جنب جنب الكعبة. انت طالع تتربى. يبقى اللي فيه مصلحة تربيتك هو اللي انت هتعمله. لن تتربى الا لو كسرت نفسك لن تتربى

الا لو شلت الشنطة بتاعة اختك معها ولو ان في خدمة شيل الشنط ولكن ده ده لو حصل في اي وقت لن تتربى الا - [00:33:11](#)

انت لو اخوك قال كلمة ضايقتك وانت تسامحت واتكسرت له. معلش اصل انا مش هاعرف اوصل الجنة من غيرك. بينك وبين نفسك كده انت صحيح غلس وغتت وخنيق بس مش هعرف اوصل الجنة من غيرك. اهلا وسهلا يا اخي في الله. وحبيب قلبي في الله.

محتاج لك. مش هقول لك اللي في قلبي ناحيتك غير لما ندخل الجنة احنا اللاتنين ان شاء الله - [00:33:31](#)

اقول لك انا كان ايه اللي جوايا ده ايه ده. انما انا ههلك في صحراء الدنيا وفتنها من غيرك. هو انا يا اخواننا من غيركم انا ما كنتش مسلا انا انا ببص كده بعد ما صليت السنة بصيت يمين لقيت اخويا رفع ايده كده. شمالي لقيت اخويا رفع ايده كده. قمت انا اعمل

ايه؟ يا رب قمت انا كمان رافع ايدي كده. انا ما كانش عندي - [00:33:51](#)

الدعاء ساعتها انما اخواني سخنوني. احنا محتاجين بعض. لازم نتكسر لبعض. على قد ما احنا فاهمين قيمة بعض.

لازم اسر لبعض على قد ما احنا فاهمين احنا محتاجين بعض في الدنيا والاخرة قد ايه. لازم نتكسر لبعض. على قد ما احنا فاهمين ان

الدين مش هينتصر غير لما نخط ايدنا في ايد - 00:34:11

قد ايه لازم نفهم دين. احنا مش طالعين نصلي ونصوم بس. احنا طالعين نفهم دين. احنا طالعين نتغير. احنا طالعين نتحول لاصحاب رسالة احنا طالعين نفهم منهجنا. احنا طالعين نبقي فريق. احنا طالعين نترابط. احنا طالعين عشان لما نرجع نبقي عاملين زي جاء من اقصى المدينة ايه؟ رجل - 00:34:31

يسعى من اقصى المدينة بيتربى. احنا رايعين اقصى المدينة. رايعين الحرميين نتربى. عشان بعد الحرميين نزل ايه؟ رجل يسعى كل واحد بما ينزل راجل يعمل بطولة لنصرة دين الله سبحانه وتعالى. هو ده اللي احنا رايعين عشانه. احنا رايعين مش عشان العمرة بس ولكن عشان - 00:34:51

هذا بعد العمرة. هنقدر نعمل ايه لدين ربنا ونوصل لربنا قد ايه؟ بعد العمرة. يبقى الشنط اللي كلها هدايا لاختوانكم في ها وهدايا للاخوة اللي شغالين في الدعوة الى الله. ها لازم طبعاً تهادوا الدعوة وتخدموا الدعوة. ها وهناك تأكلوا الدعوة وتشربوا دعوة. خدوا بالكم يا جماعة - 00:35:11

المعاني دي دي اعلى سواب. انا مش باقول كده من باب اتباع الهوى. انا باقول كده من باب ان انا ايايكم توصلوا لربنا يا اخي! يا اخي! هو انت بتوصل لربنا باللي بتحبه - 00:35:31

ولا باللي ربنا يحبه؟ ربنا يحب انك تأكل اخوك وانك تراعي اخوك واحنا خارجين من الحرم بعد العشاء رايعين الفندق عشان الدرس في مكة ان شاء الله. تيجي لاختوك لوجه الله يا جماعة انا طلعت عمرات دعوية وعمرات تربوية. العمرات الدعوية اللي هي راجعة لك يا رب الفخفة بقى كلها بقى. نقعد في الهيلتون - 00:35:41

وتلاقي كل الاخوة بقى ايه يعني قاعدين يعزموا بعض على حاجات غريبة وعلى لحوم وحاجات وطلعت عمرة التربية واحد واثنين ما اقولكوش يعني ما اقولكوش نشاف الريق اللي نشف علينا فيها. يعني الاخوة خدتها جد زيادة عن اللزوم - 00:36:01

طالعين من جلسة تعارف رايعين مقابر. راجعين من المقابر على درس ايماني. رايعين من الدرس على القيام الليل في الصف الاول في المدينة. طالعين من الصف الاول على شهداء ماشي يا جماعة انما الدين مش كله جدية. الدين فيه وجه متعة برضو. اكتشفت يا جماعة ان دايم اللي بيطلعوا العمرات الدعوية العامة بيبقوا الاغنيا. اللي بيطلعوا - 00:36:21

التربية بيقول ايه؟ الغلبة اللي زينا بقى. فاحنا بصوا يا جماعة مهما كنا غلبة لازم برضو يا شيخ احمد. انت مش طالع معنا؟ تصميم امان في العمرة دي يا شيخ - 00:36:41

شارع احمد شوقي ده من صدامات الامان في العمرة ان شاء الله يا رجالة. يعني ايه؟ لازم ان شاء الله تفتكر ماشي مع اخوك جيلاتية يا اخي. راجع مع اخوك اخوك بقى يقوم يوجبها معك - 00:36:51

ويقوم جايب لك حاجة ساقعة كده يا جماعة بيبقى فيه جو جميل في العمر. ها لما يكون فيه خدمة. لما يكون فيه اكرام. الدين ما بيمشيش غير لما يكون فيه جدية - 00:37:01

جدية من غير متعة بيبقى الدين صعب جدا. يعني يلا نصلي ويلا نصوم ماشي. ومتعة من غير جدية بتبقى كلام فارغ. هو احنا جايين نضحك ومع بعض! لأ لازم يكون فيه النوعين مع بعض. الجوين نعيشهم نعيش قمة الجدية والتفاني والتضحية والمجاهدة وقلة النوم والصبر على الصيام والقيام - 00:37:11

والمعاهدة الله هناك على ان نعيش جنود لله. في نفس الوقت هيبقى في جو ممتع. ما بين الاخوة وبعضه وما بين الاخوات وبعض. هنعمل حفلتين اجتماعيتين ان شاء الله واحدة في مكة وواحدة في المدينة. ازاي؟ طب لما نرجع نعمل لا ده احنا رايعين هناك

نعيش حياة دين. احنا مش رايعين بس نصلي ونصوم. احنا رايعين نفهم - 00:37:31

حياة الدين شكلها ايه؟ ولن ولن تكون قد فهمت الدين لو ما فهمتش قيمة اخوك اللي قاعد جنبك. لو انت ما عرفتش قيمة اخوك دا هو اللي قاعد جنبك - 00:37:51

اخوك ده اللي قاعد جنبك لو نائل ما عرفش قيمة دكتور محمد لو الشيخ شريف ما عرفش قيمة الشيخ محمد حسن لو الشيخ ايهاب

ما عرفش قيمة بشمهندس علي لو احمد منصور ما عرفش قيمة بشمهندس جلال لو الشيخ محمد عبدالمجيد ما عرفش قيمة الشيخ محمود يوسف لو ما عرفناش قيمة بعض لو دكتور محمد جلال ها ما عرفش - [00:38:01](#)

قيمة يعني الشيخ محمود سليمان لو ما عرفناش ايه من بعضه يا جماعة يبقى احنا مش هنعرف نوصل لحاجة. لازم نعرف قيمة بعض بازن الله. يبقى ازا واحنا راجعين الشنط بقى والسرج فكل واحد واقف مستني شنطه. ها انت مستني الشنط بتاعتك نفس الاحساس بتاع ساعة وزن الاعمال ساعة وزن - [00:38:21](#)

الاعمال. كل واحد مستني الشنط اللي قاعد يعبي فيها في الدنيا. وكل واحد بقى ياخذ شنطه وهتفتح وهتوزن شنط الاعمال. فيه واحد ما عشانطة كبيرة وهيجي يحطها في الميزان يلاقيها. لا تزن عند الله جناح بعوضة. ليه؟ ده انا تعبت وشقيت يا رب - [00:38:41](#)

بس شقيت في ايه؟ في الدنيا. ما شقتش في الدين. شقيت في دنيا عشان الدنيا وخذت نتيجتها في الدنيا. يا رب ده انا طلعت روعي في الدنيا. ده انا كنت بصحى بس عشان الدنيا. كله كان عشان الدنيا مش عشان ربنا. وواحد تاني تلاقي الشنطة مليانة اعمال اعمال صالحة. ده من السابقين - [00:39:01](#)

فيه واحد تاني تلاقي شنطة مليانة زنوب يد المصيبة. هاعمل ايه واخلص من الشنطة دي ازاي؟ ما حدش هيعرف يخلص من الشنطة بتاعته. كل واحد سفر العمرة هو ونسخة من السفر الى الاخرة. في كل مرحلة واحنا رايعين نركب الطائرة. هنلاقي طائرة آآ طائرة جامبو آآ - [00:39:21](#)

آآ حج معين وهنلاقي طائرة كبيرة جدا وطيارات ملكية واقفة في المطار. او طيارات لرئاسات الجمهورية ومكان مطار خاص لرؤساء الجمهورية وكبار وهنلاقي اه اه صالة كبار الوفود بس ما حدش يدخل فيها غيرهم. وهنلاقي تيارات صغيرة ميكروباصات طائرة. جميلة توصلنا اللهم لك الحمد على الميكروباصات الطائرة - [00:39:41](#)

نعمة من عند الملك سبحانه وتعالى. بس ربنا يديمها علينا نعمة وما يحرمناش منها يا رب. بازن الله سبحانه وتعالى وربنا يكرمنا ولا يهيننا. اللهم امين يا رب. ويعطنا ويعطينا ولا يحرمنا - [00:40:01](#)

ويؤثرنا ولا يؤثر علينا ويهدينا ويسر الهدى الينا. يبقى فيه آآ طيارات طائرة رايحة امريكا طائرة رايحة فرنسا طائرة رايحة تركيا طائرة رايحة موزمبيق هو ده يوم القيامة بالزبط انت واخذ تأشيرة ها فردوس اعلى تأشيرتك فردوس اعلى ولا تأشيرتك اصحاب يمين تأشيرتك جنة الريان - [00:40:11](#)

ولا تأشيرتك جنة الصلاة ولا تأشيرتك جنة بر الوالدين تأشيرتك ايه انت رايع فين عملك على قد ايه عملك هيوديك فين نسخة من المعالم اللي لا تنسى في المقارنة بين رحلة رحلتنا الى الله في العمرة ورحلة الاخرة. الكافيتريا بتاعة المطار. الكافيتريا بتاعة المطار معلم بارز - [00:40:31](#)

من المعالم هتدخل كافيتريا المطار تلاقي كافيتريا كبيرة. تلاقي السندوتشات طول كدهوت ها وتلاقي حضرتك مناظر جميلة جدا في كافيتريا المطار. تدخل بقى وانت ايه بتضرب بقى العشرين الورقة ام عشرين اللي في جيبك بقى. ها هاكل وهاهيص ده انا هابشرق على نفسي النهاردة بعشرين جنيه. تدخل بقى تقول للراجل لو سمحت بقى - [00:40:51](#)

ها كنز البيبسي بكام عشان اعزم الشلة اللي معي دي؟ يقول لك كنز البيبسي بخمسة وعشرين جنيه. نعم! طب لو سمحت السندوتش الطويل اوي ده بكام؟ يقول لك السندوتشات - [00:41:11](#)

خمسة واربعين جنيه. طب حنة الكيكة اللي البتاعة اللي قطمتين دي بكام؟ يقول لك دي بستاشر جنيه. فتقوم انت على طول تفهم ايه؟ تفهم الموضوع مش لعبة، اللي - [00:41:21](#)

بربع جنيه برة المطار في المطار بعشرين جنيه. تفهم بقى انك يوم القيامة الحسنة وانت قاعد دلوقتي لو قلت قولوا كده سبحان سبحان الله العظيم! سبحان الله وبحمده! سبحان الله العظيم! تعبت! الكلمة دي ممكن تبكي دم - [00:41:31](#)

خمسين الف سنة عشان تجيب الحسنة بتاعتها يوم القيامة وما عدش ينفع. شفت سهولة عليك الوقتي ازاي؟ ببلاش. بتوفيق الله

سبحان الله وبحمده سبحان الله العظيم. ممكن قبل ما تنام النهاردة تكون قلتها عشر تلاف مرة. ممكن النهاردة تقومي قبل الفجر ساعة
تصلي - [00:41:51](#)

الى تدخل بقى الفردوس الاعلى. انما يوم القيامة ما عايش راحت. خلصت. الفرصة انتهت. ممنوع اوعى كلمة يا رب. ممنوع كلمة
استغفر الله. ممنوع كلمة تبت الى الله. ممنوع الصلاة. ممنوع العبادة. خلصت - [00:42:11](#)

ان يستعقبوا فما هم من المعتبين. يعني ايه استعقبوا؟ يعني ربنا ربنا يحفظنا غاضب عليه. طب ارضيك بايه؟ طب اعمل لك ايه
يتقال له ما عدش ينفعك. فما هم من المعتدين. ما عدش فيه حاجة ينفع عدت تعملها عشان تطلع من اللي انت فيه. يبقى آآ نفتكر
من - [00:42:31](#)

عالم البارزة في المطار والكلام ده هناكد عليه ثاني يا جماعة. يا اخوانا احنا مش في عمرة دروس سخنة. احنا مش في عمرة مواعظ.
احنا في عمرة ايه؟ تربية يعني ايه تربية؟ يعني فيه معاني هنفضل نتكلم فيها ليل نهار. بازن الله هنفضل نعبد ربنا بها ليل نهار. احنا
مش طالعين العمرة نسمع دروس. احنا - [00:42:51](#)

طالعين العمرة بتتربى ونتغير. الكلام ده هنقوله ثاني وتاب بازن الله ويترسخ جوانا يعني ايه دار اخرة؟ يعني ايه جنة؟ يعني ايه نار؟
يعني ايه عظمة ربنا؟ يعني ايه عبادة - [00:43:11](#)

طواف يعني ايه صلاة؟ يعني ايه حب النبي عليه الصلاة والسلام واحنا داخلين المدينة؟ يعني ايه ما احناش خارجين من المدينة ان
شاء الله الا واحنا قلوبنا بتتفجر بحب رسول الله صلى الله عليه وسلم من الحاجات - [00:43:21](#)

لا انساها ابدا لما دخلت المسجد بتاع المطار مع اخواني رحت بس اتوضأ واجي قلت يقينا المرحلة كلها بقى يستنوني عشان نصلي
فلقيت كل واحد بيدخل الله اكبر ويصلي ويخلص مصلحته ويجري. قلت ياه! في اماكن ما حدش هيفتكر فيها حد. وما حدش
هيستنى فيها حد. اللي هيلحق - [00:43:31](#)

هيشغل دي يوم القيامة يا جماعة. ما حدش هيفكر في حد. فكر في نفسك. لو ما لقتش حد فاكرك في العمرة اوعى تقوم بقى مدلدل
ما حدش مهتم بي. حدش بيربيني. فريق المربين فين؟ هاتوا لي مش عارف ايه. حبيبي - [00:43:51](#)

يا حبيبي اللهم كما لم تنس حديرا ها فاجعل حزيرا لا ينساك. ده بذلك بيني وبين عبدي. لو فساكى البشر لن ينساك رب البشر. خدوا
بالكم يا جماعة ما تعلقش قلبك ان فيه واحد هيسندك. انت رايح انا جاي لك يا رب معي حد - [00:44:11](#)

معييش لو عملت كده انت هتبقى قدوة لكل وان شاء الله نتشارك في العبادة. بازن الله رحلة الى الله. يا رب ربنا يتقبلها منا. يا رب
ربنا يوفقنا فيها. يا رب ربنا يفتح على قلوبنا فيها. يا رب ربنا سبحانه وتعالى يا رب ربنا سبحانه وتعالى اللهم - [00:44:31](#)

انا نسألك يا رب العالمين. اللهم انا نسألك ونحن مفتقرون اليك. يا رب. اللهم فانك تعلم رجاء قلوبنا فيك. اللهم انا قاصدون بيتك. اللهم
انا قاصدون وجهك اللهم انا تاركون الدنيا واتونا اليك. اتونا نلبي لك يا الله. لبيك - [00:44:51](#)

لبيك اللهم لبيك. اللهم يا ربنا اللهم تقبل عمرتنا. اللهم تقبل اللهم بارك لنا في جهدنا. اللهم افتح على قلوبنا اعظم فتح في مكة والمدينة
يا رب اللهم املاً قلوبنا بالايمان الصادق. اللهم انا نسألك اليقين والمعافة. اللهم اجعلها خير ايام - [00:45:21](#)

علينا في حياتنا يا رب. اللهم اجعلها خير ايامك. مرت علينا في حياتنا يا رب. اللهم بارك لنا في اخوتنا. اللهم بارك لنا في اجتماعنا
عليك. اللهم بارك لنا في صحبتنا اليك. اللهم - [00:45:51](#)

فالف بين قلوبنا على ما يرضيك عنا. اللهم املاً ليلنا ونهارنا بحسن ذكرك وشكرك وحسن عبادتك يا رب. اللهم قوي في رضاك عزمنا.
اللهم اقمنا على مرادك منا. اللهم لا تردنا الى بلادنا الا وقد زك - [00:46:11](#)

كيت نفوسنا وشرحت صدورنا وهديت قلوبنا ونورتها افندتنا وقويت عزائمنا وفقهتنا وفهمتنا وارشدتنا. ربنا اتنا من لدنك رحمة.
وهيى لنا من امرنا رشدنا اللهم بارك في عبادة اخواننا وبارك في عبادة اخواتنا وبارك في عبادة ابائنا. اللهم يا ربنا استعملنا -

[00:46:31](#)

اولا تستبدل بنا. اللهم استعملنا ولا تستبدل بنا. اللهم استعملنا ولا تستبدل بنا. برحمتك يا ارحم الراحمين - [00:47:01](#)